

روحانی‌لر جوانلارین شبه‌لرینی آرادلان آپارماغا اقدام ائله‌سینلر

ولی فقیهین شرقی آذربایجانداکی نماینده‌سی دئدی: روحانیلر جوانلارین مخصوصاً دانشگاهداکی جوانلارین شبه‌لرینی آرادلان آپارماغا اقدام ائله‌مه‌لیدیلر.

آیت الله محسن مجتهد شبستری شبه گونو استانین امام جماعتلر کارگاهیندا دئدی: روحانیلر دانشگاهلاردا جوانلارینان مناسب رابطه‌سی اولمالیدیر و اونلارین بصیرتترین آرتیرماقدا چالیشمالیدیلار. چونکی شیعه علی‌هینه سابقه‌سیز حمله باشلانیب و غرب دنیاسی طرفیندن اسلامدان قورخو جریانسی چوخ شدتلی یولا سالینیب.

او آرتیدی: افراط و نفریطله مبارزه ائله‌ماق و آمریکایی تسننی و انگلیسی تشیعی اینن مقابله ائله‌ماق روحانیلرین وظیفه‌لریندیر.

آیت الله مجتهد شبستری، معظم انقلاب رهبری‌نین سون گونلرده انگلیسی تشیع و آمریکایی تسنن باره‌ده‌کی تعبیرینه اشاره ائله‌ماغینان دئدی: دوشمن تکفیری سنّی جریانلارین قاباغیندا اولکه‌میزده افراطی شیعه جریانی یولا سالیب و بو جریان انگلیسی شیعه‌لیقدیر کی بدعت، خرافات و افراطینان آمریکالی وهابیته مسلمانلاری قیرماغا بهانه وئریر.

او آرتیردی: شیعه و سنی مسلمانلار آگاه اولمالیدیلار و دوشمنین توطئه‌لرینی اونلارادا تأثیر بوراخماسینا امکان وئرمه‌مه‌لیدیلر کی وحدتین بوندان آرتیق ساخلانماسی ضروریدیر.